

DISKRIMINASYON / ARASMAN

Se règ Komisyon Konsèy Lekòl la pou yo trete tout elèv e anplwaye avèk respè. Komisyon Konsèy Lekòl la aktivman eseye ofri yon anviwònman travay e edikasyonèl ki pa gen diskriminasyon ak arasman (ki gen ladan arasman seksyèl), jan lalwa mande l. Atravè règ sa a, Komisyon Konsèy Lekòl la etabli entansyon li pou ofri aksè, opòtinite, ak tretman egal bay elèv ki nan fason l ap ofri pwogram ak aktivite edikasyonèl pou moun k ap aplike pou travay ak anplwaye nan tout aspè anplwa a. Komisyon Konsèy Lekòl la PAP tolere denigreman, entimidasyon, tretman agresif, vyolans, oubyen konpòtman vèbal oubyen fizik kont yon elèv oubyen anplwaye ki reflekte ras li, orijin etnik oubyen nasyonal, sèks oubyen nenpòt nan kategori nou deklare anba a.

Règ Komisyon Konsèy Lekòl la Kouvri Kategori Pwoteje sa yo:

LAJ - Kategori sa a entèdi yo refize yon moun travay e/oubyen opòtinite edikasyonèl akòz laj li.

KONDISYON SITWAYÈNTE - Kategori sa a anpeche yo refize anplwa e/oubyen opòtinite edikasyonèl akòz kondisyon sitwayèn oubyen kondisyon imigrasyon yon moun.

KOULÈ - Kategori sa a entèdi yo refize yon moun travay e/oubyen opòtinite edikasyonèl akòz koulè po li. Diskriminasyon koulè ka rive anndan menm ras la; pa egzanp yon moun ki pi fonse ka diskrimine kont yon moun ki pi klè.

ANDIKAP - Kategori sa a entèdi yo refize yon moun travay e/oubyen opòtinite edikasyonèl akòz moun nan genyen, oubyen yo panse li genyen yon andikap pèmanan ki limite oubyen anpeche yon gwo aktivite nan lavi li yon fason konsiderab; pa egzanp: mache, wè, tande, pale, chita, oubyen kanpe.

ORIJIN ETNIK/NASYONAL - Kategori sa a entèdi yo refize yon moun travay e/oubyen opòtinite edikasyonèl akòz kote zansèt moun nan soti; oubyen akòz moun nan genyen karakteristik fizik, kiltirèl oubyen lengwistik yon gwoup patikilye.

SÈKS - Kategori sa a entèdi yo refize yon moun travay e/oubyen opòtinite edikasyonèl akòz idantite fi/gason oubyen sèks li.

IDANTITE SEKSYÈL - Kategori sa a entèdi yo refize yon moun travay e/oubyen opòtinite edikasyonèl akòz idantite ki gen rapò ak sèks, aparans, ekspresyon oubyen konpòtman li, kèlkeswa sèks li te genyen lè ti te fèt.

"GENETIC INFORMATION (GINA)" (ENFÒMASYON JENETIK) - Kategori sa a entèdi yo refize anplwa egal e/oubyen arasman akòz enfòmasyon jenetik yon moun; li asire yo pa trete moun diferanman akòz enfòmasyon jenetik.

PREFERANS LENGWISTIK - Kategori sa a entèdi yo bay yon moun travay e/oubyen opòtinite edikasyonèl akòz lang li pale.

KONDISYON MARITAL - Kategori sa a entèdi yo refize yon moun travay e/oubyen opòtinite edikasyonèl akòz kondisyon marital li; sètadi, selibatè, marye, vèf, oubyen divòse.

IDEYOLOJI POLITIK - Kategori sa a entèdi yo refize yon moun travay e/oubyen opòtinite edikasyonèl akòz sipò e/oubyen afilyasyon li oubyen li pa manm yon pati politik an patikilye.

GWOSÈS - Kategori sa a anpeche yo refize fi ki ansent travay e/oubyen opòtinite edikasyonèl.

RAS - Kategori sa a entèdi yo refize yon moun travay e/oubyen opòtinite edikasyonèl akòz ras li. Senk kategori yo rekonèt federalman yo se Endyen Ameriken oubyen Natif Alaska, Azyatik, Nwa oubyen Afriken Ameriken, Awayen oubyen lòt moun ki soti nan Zile Pasifik, ak Blan. Moun ki soti nan ras melanje pa bezwen pwouve eritaj egzak yo pou yo ka afime yo diskrimine kont yo sou baz ras. Konsa tou, kategori sa a kouvri moun y ap diskrimine kont yo akòz yo marye avèk moun ki diferan ras ak yo.

RELIJYON - Kategori sa a entèdi yo refize yon moun travay e/oubyen opòtinite edikasyonèl akòz li sensè ak kwayans relijye li.

SÈKS - Kategori sa a entèdi yo refize anplwa egal e/oubyen opòtinite edikasyonèl akòz yon moun se fi oubyen gason.

ORYANTASYON SEKSYÈL - Kategori sa a entèdi yo refize anplwa egal e/oubyen opòtinite edikasyonèl akòz yon moun se oubyen yo pèsevwa li kòm yon lesbyèn, omoseksyèl, bi-seksyèl, oubyen etewoseksyèl.

ISTWA SOSYAL AK FAMILYAL - Kategori sa a entèdi yo refize yon moun travay e/oubyen opòtinite edikasyonèl akòz istwa sosyo-ekonomik, famiyal e/oubyen istwa edikasyonèl li.

Nou PAP Tolere Arasman Seksyèl.

LEKÒL LETA MIAMI-DADE COUNTY (M-DCPS) PA FÈ DISKRIMINASYON SOU BAZ SÈKS NAN OKENN NAN PWOGRAM OUBYEN AKTIVITE L AP OPÈRE JAN 'TITLE IX' MANDE SA. M-DCPS PA FÈ TOU DISKRIMINASYON SOU BAZ SÈKS NAN ADMISYON OUBYEN ANPLWA.

LALWA ENTÈDI VANJANS KONT YON ELÈV OUBYEN YON ANPLWAYE KI POTE YON PLENT

Vanjans fèt lè yo pran yon move aksyon kont yon anplwaye paske li angaje li nan yon aktivite ki pwoteje, tankou pote plent kont diskriminasyon, menase pou fè yon akizasyon sou diskriminasyon, oubyen patisipe nan yon envestigasyon ki ap fèt.

Pou plis enfòmasyon sou Title IX oubyen nenpòt lòt enkyetid sou diskriminasyon/arasman kontakte Asistan Sekretè Depatman Edikasyon Etazini pou Dwa Sivil e/oubyen:

Office of Civil Rights Compliance (CRC)
Executive Director/Title IX Coordinator
155 N.E. 15th Street, Suite P104E
Miami, Florida 33132
Phone: (305) 995-1580 TDD: (305) 995-2400
Email: crc@dadeschools.net
Website: <https://www.hrdadeschools.net/civilrights/>

Pou plis Enfòmasyon sou Seksyon 504 Akòz Reyabilitasyon 1973 la oubyen sou nenpòt lòt enkyetid sou andikap elèv kontakte:

Division of Special Education
504 Coordinator
1501 N.E. 2nd Avenue, Suite 409
Miami, Florida 33132
Phone: (305) 995-2037 TDD: (305) 995-2400
Email: ese@dadeschools.net
Website: <http://ese.dadeschools.net>